

**“Ўзбекистон Республикаси аҳолиси ва ҳудудининг сейсмик
хавфсизлигини таъминлаш тўғрисида”ги Ўзбекистон Республикаси
Қонуни лойиҳасига**

ЮРИДИК ХУЛОСА

Ўзбекистон Республикаси Президентининг 2020 йил 30 июлдаги “Ўзбекистон Республикаси аҳолиси ва ҳудудининг сейсмик хавфсизлигини таъминлаш тизимини тубдан такомиллаштириш чора-тадбирлари тўғрисида”ги ПҚ-4794—сонли қарори асосида тайёрланди.

Мазкур қонун лойиҳаси қонунчилик даражасида Ўзбекистон Республикасида аҳоли ва ҳудудларни сейсмик хавфсизлигини таъминлаш соҳасидаги муносабатларни тартибга солишнинг аниқ қоидаларини белгилашда ва тегишли тармоқларда амалга оширилаётган ислохотларни синхронлаштиришга мўлжалланган.

Қонун лойиҳаси Ўзбекистон Республикаси аҳолиси ва ҳудудининг сейсмик хавфсизлигини таъминлаш соҳасидаги муносабатларни ҳуқуқий тартибга солиш мақсадида тайёрланган.

“Ўзбекистон Республикаси аҳолиси ва ҳудудининг сейсмик хавфсизлигини таъминлаш тўғрисида”ги Ўзбекистон Республикаси Қонуни лойиҳаси IV боб 26 та моддадан иборат бўлиб унда аҳоли ва ҳудудларни сейсмик хавфсизлигини таъминлаш соҳасидаги ҳар бир иштирокчини ҳуқуқини, мажбуриятларини ва масъулияти, давлат органлари, вазирликлар, ташкилотларнинг ва жойлардаги ўз-ўзини бошқариш органларининг, юридик ва жисмоний шахсларнинг ваколатлари ва мажбуриятлари, аҳоли ва ҳудудларнинг сейсмик хавфсизлиги соҳасида узоқ муддатли манфаатли ва энг самарали йўналишларда ривожлантиришни рағбатлантишлар белгиланган.

Сейсмик хавфсизликнинг таъминлашнинг асосий мақсадлари, фаолият объектлари ва уларнинг таснифи, сейсмик хавфсизликни таъминлаш соҳасида давлат сиёсатининг асосий йўналишлари, Ўзбекистон Республикаси Вазирлар Маҳкамасининг, Фавқулодда вазиятлар вазирлигининг, Қурилиш вазирлигининг, Фанлар академиясининг, маҳаллий давлат ҳокимияти органларининг сейсмик хавфсизликни таъминлаш соҳасида ваколатлари, сейсмик хавфсизликни таъминлаш соҳасидаги фаолиятни ташкил этиш, сейсмик хавфсизлигини таъминлаш бўйича жисмоний ва юридик шахсларнинг ҳуқуқлари ва мажбуриятлари, сейсмик хавфсизлик соҳасидаги

халқаро ҳамкорлик, zilzilalar натижасида etказилган зарарни баҳолаш чора-тадбирлари, зарар кўрган объектларни тиклаш чора-тадбирларини молиялаштириш, сейсмик хавфсизликни таъминлаш тўғрисида Қонун ҳужжатларини бузганлик учун жавобгарликлар Қонун лойиҳасининг ҳуқуқий тартибга солиш предмети бўлиб ҳисобланади.

Қонун лойиҳаси қўлланиладиган шахслар доирасига аҳоли ва ҳудудларни сейсмик хавфсизлигини таъминлаш ташкилотлари, шу жумладан сейсмология ва сейсмик мустаҳкам қурилиш соҳасидаги илмий-тадқиқот муассасалари, давлат ва маҳаллий ҳокимият органлари, жисмоний ва юридик шахслар киради.


Қонуннинг қабул қилиниши Ўзбекистон Республикаси Давлат бюджетидан қўшимча маблағлар ажратилиши талаб этмайди.

Мазкур Қонун лойиҳаси тегишли вазирлик ва идоралар билан келишилган ҳамда Ўзбекистон Республикаси Конституцияси, амалдаги қонунчилик ва бошқа норматив-ҳуқуқий ҳужжатларга зид эмас.

Мазкур Қонун лойиҳаси Ўзбекистон Республикасининг “Норматив-ҳуқуқий ҳужжатлар тўғрисида”ги Қонунига ва Давлат ва хўжалик бошқаруви органлари, маҳаллий давлат ҳокимияти органлари томонидан Ўзбекистон Республикаси Вазирлар Маҳкамасига киритиладиган норматив-ҳуқуқий ҳужжатлар лойиҳаларини тайёрлаш, юридик-техник жиҳатдан расмийлаштириш ва ҳуқуқий экспертизадан ўтказиш тартиби тўғрисида Усулвий кўрсатмалар (рўйхат рақами 2352, 2012 йил 9 апрель) талабларига мувофиқ тайёрланган.

“Ўзбекистон Республикаси аҳолиси ва ҳудудининг сейсмик хавфсизлигини таъминлаш тўғрисида”ги Ўзбекистон Республикаси Қонуни лойиҳасига ўзгартириш ва қўшимчалар киритилган тақдирда, қайта юридик экспертизадан ўтказилади.

ЎзР ФА юрисконсульт



Р.С.Мардиев